

上海史料叢編

月 浦 志

上海市文物保管委員會編

一 九 六 二 年

上海史料丛編簡例

一、丛編所輯为上海地方历史文献資料，以稿本及旧抄本为主，包括流傳不广的重要刊印本。

一、为了保存文献，編輯工作仅限于对所选各著解題、书跋、断句或分段，間作必要的按語之外，概不进行注釋、考訂、校勘及增补工作。

一、排印用簡体字。其中有些是代用字类，如「徵」之于「征」、「廠」之于「厂」等，則改采繁体字，以免昔今異义。

一九六一年七月上海市文物保管委员会

月浦志目錄

第一卷

輿地志

沿革

疆域

市鎮

都圖 乡村田亩附

第二卷

營建志

海塘

橋梁

公所

善堂

義塚

寺觀

第三卷

水利志

水道

治績

條論

濬法

第四卷

選舉志

進士

舉人

貢生

諸生

薦舉

例選

雜進

例貢

武進士

武舉人

武秩

第五卷

人物志上

仕蹟

武功

儒林

文學

孝義

德義

第六卷

人物志下

忠節

隱逸

游寓

方外

義者

藝術

壽者

列女

第七卷

藝文志

碑誌

序文

祭文

傳狀

雜著

第八卷

名勝志

古蹟

第宅

園林

八景附

塚墓

坊表

第九卷

月浦志

月浦志

風俗志

風俗

節序
占候附

方音

物產

第十卷

天人志

祥異

軼事

月浦志原序

恭遇聖天子稽古右文。集成四庫全書。與校讎者不次擢用。極車書一統之盛。正士林登進之階。鈞不獲讀書東觀。簪筆蘭台。而徒沾沾於海濱之鄉。補苴編綴。抑亦末矣。雖然。在朝言朝。在野言野。庚子秋。余下第旋里。披讀兩漢書。班之博瞻。范之質懇。犁然有當於心。蓋其探源析奧。揚芬樅幽。洵煌煌乎大觀也。余材譴陋。不敢論古。安敢作古。而竊有志於師古。居月浦。卽月浦之興地、川梁、民風、土俗、人物、詩文。自有明以迄本朝。上下四百餘年。援古證今。闕疑考信。著之簡冊。未始不可示勸懲而佐聞見。於是手錄一編。弄諸篋笥。惜無同志者相與辨訛以竣厥事。適陸子丕緒爲吾鄉剛正士。其曾伯祖愼庵公向輯月浦志。乾隆九年趙明府西購是書。探入邑乘。散失無歸。丕緒慨前人著述之湮。廣求前志。考獻徵文。與余商榷而釐訂之。慙慙不阿己私。不沒人善。共成若干卷。時乾隆四十六年也。閱數稔。歲在丙辰。重加纂補。同校者爲黃子鶴洲、何子汝霖暨里中諸茂才。因以就正於大人先生。倘賜鴻裁。壽諸梨棗。後之人留心繼輯。爲國史之權輿。備輜軒之採擇也。則幸甚。

嘉慶元年丙辰孟冬。鑑堂陳鈞啓楓氏。書於羅陽之硯北草堂。

重修月浦志序

月浦水名也。鄉人聚族而居。號曰月浦鎮。未知始於何時。相傳建於宋。盛於明。衰於倭變。東北六里與月浦接壤有黃姚鎮。已沒入海。亦不知沒於何時。今何以有志。所以志月浦也。黃姚則無考矣。一以志風俗之盛衰。一以志人物之振興變革。俾居是土者有所觀感。志云乎哉。不過記事而已。或曰。郡有志。縣有志。而子獨斷斷於月浦一區。不亦贅乎。然或文獻無徵。採訪失實。孰若以月浦人輯月浦志。較爲親切著明也。而況及今而輯之。已不能詳其顛末。後之視今。亦猶今之視昔。曷可無志。甲子秋。髮匪初靖。余與陳生起霞赴試金陵。但見敗壁頽垣。屍橫遍野。初不料世故變遷竟至如是。歸乃與滕子崧甫、胡子固卿擬輯是書。苦無考證。適何子淞漁袖出陳志一編相示。知爲啓楓先生手筆。搜羅纂輯。審密周詳。乃爲踵事而增之。彙成十卷。弃諸篋笥已十餘年。壬午春。邑令王有修志之舉。卽以是編陳當事。以備輜軒。今於課徒之暇。又將近事復續於後。而崧甫、固卿已歸道山。起霞則連捷賢書。尙在京都供職。余亦垂垂老矣。因與余弟二磐、何子子桓、陳子起雲。重爲考訂而刪佚之。是爲序。

光緒十四年戊子冬十一月。五乳人蓉臺張人鏡書於攬芳室。

月浦志

同輯姓氏

陳觀圻 張鴻鏡 滕鳳飛 何朝圭 俞君銓

參訂

郭紹霖 郭纘霖 陳觀光 金浚泉 張福辰 俞如琮 徐致中 陳應康

校字

滕俊 孫心誠 俞如琦 陳應銓 張瑞徵

月浦志目錄

第一卷

輿地志

沿革

疆域

市鎮

都圖 乡村田亩附

第二卷

營建志

海塘

橋梁

公所

善堂

義塚

寺觀

第三卷

水利志

水道

治績

條論

濬法

第四卷

選舉志

進士

舉人

貢生

諸生

薦舉

例選

雜進

例貢

武進士 武舉人 武秩

第五卷

人物志上

仕蹟 武功 儒林 文學 孝義 德義

第六卷

人物志下

忠節 隱逸 游寓 方外 義者 藝術 壽者 列女

第七卷

藝文志

碑誌 序文 祭文 傳狀 雜著

第八卷

名勝志

古蹟 第宅 園林 八景附 塚墓 坊表

第九卷

月浦志

月浦志

風俗志

風俗

節序占候附

方音

物產

第十卷

夫人志

祥異

軼事

月浦志卷之一

輿地志

沿革

疆域

市鎮

都圖 鄉村田畝附

月浦爲瀕海要地。適當東西之衝。其中廢興。關係非淺。因考其市鎮之盛衰。都圖田畝之多寡。以著於篇。

沿革

月浦因水而名。今隸太倉州寶山縣。不知始於何時。鎮北有昆福寺。今廢。梁天監間建。梁以前無考也。按梁天監六年。分婁縣置信義縣。屬信義郡。大同初。置崑山縣。屬吳郡。隋開皇九年。廢信義入常熟。屬蘇州。十八年初復置崑山縣。仍屬蘇州。大業元年屬吳州。三年屬吳郡。總爲揚州之域。唐天寶十載爲江南道。五代爲吳越。以崑山縣屬中吳軍。宋爲江南道、兩浙路。熙寧七年爲浙西路。以縣屬平江軍。南宋建炎三年屬平江府。嘉定十年析崑山東境。置嘉定縣。元元貞二年爲江南浙西道。以戶口例陞中州爲嘉定州。屬平江路。明洪武二年爲南直隸。以縣屬蘇州府。國朝因之。雍正三年析嘉定東境置寶山縣。月浦與焉。

疆域

東西廣十六里。

南北袤十二里。

東至海五里。

西至月浦塘小石橋爲界七里。再西卽羅店廠。又十一里至羅店。

南至楊維橋四里。又五里至楊行。

北至盛橋八里（盛橋向屬月浦，今以去鎮稍遠，另設一廠，茲將人物收入月浦，寺觀橋梁不及備載）。

東南至丁家橋七里。又東南五里至縣城。

東北至石洞十里。又北至川沙。

西南至新興鎮七里。

西北至翁家角十二里。

至太倉州城七十四里。

至上海大橋四十里。

至蘇州府城二百里。

至江寧省城陸程七百里。水程八百八十里。

至京師順天府陸程三千六百四十四里。水程四千四百四十八里。

市鎮

寶山無山。并合通縣亦無山。而月浦則東西土山高峙。儼然山也。東望滄瀛。崇明諸沙。歷歷在目。而輪船之往來者。一道寒烟。橫空飛度。實屬壯觀。北極劉河。南瞻滬瀆。西視膠城。其城中塔尖猶約略見之。四顧空闊。直將舉通邑之勝而萃於是區也。憶昔盛時。比戶絃歌。萬商雲集。假能振而興之。亦安有今昔之殊乎。其地東西一里。南半里。北一里。明洪武間設顧涇巡檢司於此。今廢。東鎮自東木橋起。由橋而東約百餘步。爲興聖寺。東林梅塢所在也。由橋而西爲東嶽廟。卽大街。由廟而南爲武聖宮。略東卽步月橋。由廟而西爲陳鑑堂先生宅。再西卽門涇橋。過橋數十步。卽新昌奉新安義知縣徐伯衡宅。再西卽朱氏旗杆。又西而南至玉麟橋。爲塘南街。

塘南街兩面皆土山。王南垞先生居焉。由東高泥山而東下爲衆綠橋。由西高泥山而西下爲香花橋。

二橋壯麗不減玉麟。明何雍詩云。喧豗水陸鎖三橋是也。由玉麟橋而略北而西爲北街口。

北街自城隍廟起。廟在鎮之北市梢。舊有里仁堂。今於白雲深處改設同善堂。由廟而東爲崇福道院。今爲眞武殿。俗猶呼道院場。廟後卽倉河。由廟前而南爲莊節婦坊。明白水縣知縣莊璫舊第。後爲沉齡先生故居。南卽壬午科舉人陳起霞宅。再南爲胡氏旗杆石。張姓居焉。又南爲譚家牆門。內有譚園遺址。元朝散大夫譚友文別業。再南而西爲西鎮。

西鎮以西邱莊廟起。由廟而南爲趙氏坊。由廟而西爲月映西溪。再西爲大王廟基。略南卽淨信寺佛耳泉。由廟而北爲小合橋。通月浦塘。由廟而東爲大街。

明良琦字元璞。天平山詩僧。月浦道中詩。江似三巴曲。星隨獨樹斜。客行猶轉柁。秋盡尙迷家。白漲寒沙霧。紅生曙海霞。故人驚會面。老大惜年華。

何雍字在宮。嘉定人。順治十一年貢。徽州祁門訓導。月浦野眺詩。岡迴月殿浦迴潮。勝占斜塘僻更饒。突兀東西標兩寺。喧豗水陸鎖三橋。樓台夾陌村楓遠。烟火連雲海瘴消。四載授經嗟過隙。登臨幸藉一詩瓢。

浦燦字方山。嘉庠生。秋暮過月溪舊館詩。數椽寂寞傍林邱。景物蕭然感昔遊。野蔓叢中黃菊瘦。

施鴻勳字詔六。吳縣貢生。月浦泊舟散步詩。小市足幽棲。停橈步月溪。到來春過半。楊柳綠初齊。土阜如峯秀。登臨見屋低。鐘聲何處響。不斷寺東西。

陳鈞月溪權歌。倣張宮詹體十首。家住祁川東復東。一灣流水海潮通。潮來潮去急於箭。恰有迴塘似反弓。曲曲銀鈎月浦塘。何如馬路簇紅橋。千家村里人喧鬧。八月棉花滿客航。傍岸人

家半是樓。機聲軋軋五更頭。年來布價高於帛。肯令金梭休便休。菊花黃過菜花黃。酒肆簾開

撲鼻香。糴米剩錢沽一醉。醉鄉可得比仙鄉。漁婦漁翁挈小姑。石橋南畔慣張羅。魚蝦恰恰盤

中滿。不及冰鮮海上多。墮馬斜鬟薄髻鬆。東家兒女採芙蓉。嫁時莫作農家婦。夜織朝耕愁煞

儂。兩寺鐘聲遠近聞。東林劫火盪塵氛。如來西去佛燈滅。漠漠垂楊黯夕曛。小學何人問舊

塵。蕭蕭蘆荻莽寒烟。閨中却道登科好。夫婿讀書趁少年。隄上高高新結庵。白衣蓮座敞東南。

誰將一帶桃花水。化作菩提法雨甘。賽社迎神綵幄開。霓裳按拍鬧三台。梨園不唱新翻曲。猶

自江湖舊本來。

都圖·鄉村田畝附

雲號、崑號係守信鄉四都。在鎮西北。

字號在鎮西南。秋號在鎮東北。係守信鄉五都。

發號係依仁鄉七都。

雲號一圖（鎮北：張家宅、姚家樓、二十七夫半、計田二千七百五十畝）。

雲號二圖（鎮北：長虹橋、陸家橋、雙廟、四十夫、計田四千畝）。

雲號五圖（鎮西北：支家樓、錢家坟、朱村廟、五十五夫、計田五千五百畝）。

雲號六圖（鎮西北：東錢、西錢、沙崗廟、二十八夫九分、計田二千八百九十畝）。

崐三圖（鎮西北：潘家宅、陳家宅、二十夫、計田二千畝）。

崐四圖（鎮西北：新廟、潘家宅、二十四夫、計田二千四百畝）。

崐四十五圖（鎮西：滕巷、譚巷、沈巷、三十三夫、計田三千三百畝）。

以上七圖。均係守信鄉第四都。

秋號一圖（鎮東北：一圖村、二十六夫半、計田二千六百五十畝）。

秋號二圖（鎮東北：陳家店、六祁塘、廟浜、二十一夫半、計田二千一百五十畝）。

秋號五圖（鎮東北：張舉人宅）。

秋號七圖（鎮東：楊家橋、陳華浜、七夫、計田七百畝）。